



Usurbilgo Udala

**TOKIKO GOBERNU BATZARRAK 2021EKO ABENDUAREN 23AN  
GOIZEKO 09:30EAN EGINDAKO OHIKO BILKURAKO AKTA**

**BERTARATUAK:**

**Alkatea:** Agurtzane Solaberrieta Mesa.

**Zinegotziak:** Lur Etxeberria Gurrutxaga eta Beñat Larrañaga Urdanpilleta.

**Idazkaria:** Garazi Etxeberria San Miguel.

**Ez dira bertaratu:** Itziar Basterrika Unanue eta Joxe Mari Iribar Zapirain.

**1.- AURREKO BILKURAKO AKTAREN ONESPENA: 2021/11/30.**

Batzarkideek 2021eko azaroaren 30eko bilkurako akta aho batez onartu dute.

**2.- EKINTZAILEENTZAT KABIENE ELKARTEAK DUEN ELKARLAN-GUNEAREN ERABILERARAKO DIRULAGUNTZA KOPURUAK ONARTZEA.**

**Ikusirik**

2021eko apirilaren 7an argitaratu zen Gipuzkoako Aldizkari Ofizialean Hasiz Hazi diru-laguntza, ekintzaileentzat Kabiene Elkarteak duen elkarlan-gunean egonaldiako diru-laguntzaren oinarriak arautuz eta aurkezteko lehenengo epea, 2021eko maiatzaren 31 arte eta bigarrena berriz 2021eko irailaren 30 arte, emanez.

Diru-laguntza honen bitartez enpresa proiektu berri bat garatzen ari diren pertsoneri edo JEZ alta emanda egon eta lan egiteko leku bat behar duten pertsoneri urtebeteko egonaldia ordainduko zaio Kabiene elkarteak duen elkarlan-gunean, lanerako espazio bat ez ezik, baliabideak eta esperientziak partekatzeko leku bat izan dezaten.

Lehenengo epean, hau da, maiatzaren 31 bitartean ez zen eskaerarik aurkeztu eta bigarrengoan, epea amaituta, hiru eskaera jaso dira:

Diru-laguntzen Batzorde Orokorrak 2021ko azaroaren 10an egindako bilkuran, ebazpen-proposamena egin zuen Hasiz Hazi beka diru-laguntzen inguruan.

Ebazpen proposamena azaroaren 29ko Gipuzkoako Aldizkari Ofizialean argitaratu zen, interesatuei hamar eguneko epea emanez alegazioak aurkezteko.

Bestalde, Udaleko iragarki taulan eta [www.usurbil.eus](http://www.usurbil.eus) web orrian ere behin behineko ebazpenaren berri eman da.



Usurbilgo Udala

Epe horretan ez da alegaziorik aurkeztu.

### Eta kontuan harturik

- Azaroaren 17ko 38/2003 Legea, diru-laguntzak arautzen dituena.
- Diru-laguntzak arautzeko udal ordenantza (GAO, 2008/07/01).
- Usurbilgo Udaleko 2020-2022ko Diru-laguntzen Plan Estrategikoa.
- Hasiz Hazi beka, ekintzaileentzat Kabiene Elkarteak duen elkarlan-gunean egonaldirako diru-laguntzaren oinarriak (GAO, 2021/04/07).
- Hasiz Hazi beka, ekintzaileentzat Kabiene Elkarteak duen elkarlan-gunean egonaldirako diru-laguntzaren behin behineko ebazpena (GAO, 2021/11/29)

Tokiko Gobernu Batzarrak honako erabakia hartu du aho batez:

## ERABAKIA

**Lehenengoa:** Ekintzaileentzat Kabiene Elkarteak duen elkarlan-gunean egonaldirako 1.089 € tako diru-laguntza ematea ondorengo eskatzaile bakoitzari:

Diru-laguntzaren zenbatekoa , 12 hilabetetako alokairu gastua (75 €/hileko), eta honi dagokion %21eko BEZ-a (15,75 €/hileko) izango da.

**Bigarrena:** Ordainketa bi zatitan egingo zaie %80-a ebazpena ematen denean eta bigarrena %20-a memoria eta kabieneko egonaldiari dagokion faktura agiriak aurkeztu ondoren.

Eskatzailea	ENPRESA PROIEKTUA	Hasierako ordainketa %80	Bukaerako ordainketa %20
Ane Garcia Lopez	Itzulpengintza eta testugintza	871,20	217,80
Teresa Bailach Arrate	Edizio zerbitzuak	871,20	217,80
Ainara Fernandez Beristain	Diseinatzaile grafikoa	871,20	217,80

**Hirugarrena:** Garapen ekonomiko diru-laguntza aurrekontu-partida honen kargura joango da: 1.5000.481.241.00.03 (A 2159 /2021).

**Laugarrena:** Ebazpena Gipuzkoako Aldizkari ofizialean argitaratuko da.

**Bosgarrena:** Udaleko iragarki taulan eta [www.usurbil.eus](http://www.usurbil.eus) web orrian behin betiko ebazpenaren berri emango da.

**Seigarrena:** Kontu-hartzailetzari akordioaren berri ematea.

### 3.- USURBILEN HUTSIK DAGOEN MERKATARITZA LOKAL BATEAN JARDUERA



Usurbilgo Udala

## **EKONOMIKO BERRI BAT ABIAN IPINI NAHI DUTEN EKINTZAILEENTZAT DIRULAGUNTZA KOPURUAK ONARTZEA.**

### **Ikusirik**

2021eko apirilaren 7an argitaratu ziren Gipuzkoako Aldizkari Ofizialean Usurbilen hutsik dagoen merkataritza lokal batean jarduera ekonomiko berri bat abian ipini nahi duen ekintzailearentzat 2021 urteko diru-laguntzaren oinarriak.

Oinarri hauen xedea da, Usurbilen hutsik dauden lokaletan jarduera ekonomiko berri bat abian jarri nahi duten ekintzaileei laguntzea bi diru-laguntza lerroren bitartez:

**a) Enpresa ekimenak abiaraztearen hasierako gastuei aurre egiteko laguntzak.**

**b) Jarduera ekonomiko berri bat hutsik dagoen merkatal lokal batean irekitzeko, lokalaren alokairu edo erosketa gastuak ordaintzeko laguntza.**

**1. Ierroari dagokionean**, hau da, enpresa ekimenak abiaraztearen hasierako gastuei aurre egiteko dirulaguntza, **ondoren adierazten diren gastuak diruz laguntzen dira:**

- Enpresa eratzeko eta jarduera baimena eskuratzeko gastuak
- Notaritzako eta erregistro gastuak
- Obra proiektuak eta egokitze lanak eta/edo birgaitzeko obrak egitea.
- Tresneri, altzari, makineria...e.a.
- Gizarte Segurantzaren langile autonomoen erregimen berezian kotizazio ordaintzearekin lotutako kuotak.
- Proiektuarekin zerikusia duten komunikazio gastuak: publizitate kanpainak, web orrien diseinua, sare sozialen diseinua
- Lehendik dauden enpresak eskuratzea hark garatutako jarduerarekin jarraitu ahal izateko.

Onartutako gastu hauengatik **gehienez ere 5.500 € eskuratu ahal izango dira proiektuko**. Dirulaguntzaren zenbatekoaren kalkuloa egiteko dagokion gastuaren fakturaren zerga-oinarriaren zenbatekoa soilik hartuko da kontuan, BEZ-a eta bestelako zergak kanpoan utzita.

Dirulaguntza izan dezakete enpresa abian jartzearekin lotutako gastuak eta gehienez ere Jarduera Ekonomikoen gaineko Zergan altaren ondorengo 12 hilabetera bitarteko denboraldian egindakoak.

**2. Ierroari dagokionean berriz**, jarduera ekonomiko berri bat hutsik dagoen merkataritza lokal

batean irekitzeko, lokalaren alokairu edo erosketa gastuak ordaintzeko laguntza, **gehienez ere bi urteren alokairu gastuak diruz lagunduko dira:**

- Lehenengo urtean 6€/m<sup>2</sup>/hilean, gehienez ere 300 € hilean .
- Bigarren urtean 5€/m<sup>2</sup>/hilean, gehienez ere 200 € hilean.

Lokalaren alokairuaren prezioa gehienez ere 10€/m<sup>2</sup> izango da.



Usurbilgo Udala

Diru-laguntzaren zenbatekoa, alokairu gastuei dagokiena bakarrik izango da (BEZ-a eta bestelako zerga eta tasen ordainketa eta atxikipenak kanpo utzita) eta ez dira lokalaren erabilerari lotuak egon daitezkeen bestelako gastuak kontuan hartuko (komunitate gastuak, ura eta argindarraren gastuak, e.a.)

Bigarren urtean diru-laguntza jasotzen jarraitu ahal izateko, dagokion urteko deialdian diru-laguntzaren luzapena eskatu beharko da. Diru-laguntza gehienez ere 24 hilabeteko alokairu gastuei dagokiona izango da.

Aurtengoan ebazpena bi epetan emango dela zehazten da, lehenengoa maiatzaren 31 arte aurkeztu dituzten eskariena eta bigarrena irailaren 30 arte aurkeztu dituzten eskariena.

Lehenengo epean, hau da, maiatzaren 31 arte ez da eskaerarik jaso eta bigarren epea amaituta, irailaren 30 a bitartean, **eskaera** bakar bat jaso da.

Eskatzailea	IFK	ENPRESAREN JARDUERA
David Monroy Echeverria	44.139.569Q	Erreforma integralen zerbitzua

Diru-laguntzen Batzorde Orokorrak 2021ko azaroaren 10ean egindako bilkuran, ebazpen-proposamena egin zuen diru-laguntza honen inguruan.

Ebazpen proposamena azaroaren 29ko Gipuzkoako Aldizkari Ofizialean argitaratu zen, interesatuei hamar eguneko epea emanez alegazioak aurkezteko.

Bestalde, Udaleko iragarki taulan eta [www.usurbil.eus](http://www.usurbil.eus) web orrian ere behin behineko ebazpenaren berri eman da.

Epe horretan ez da alegaziorik aurkeztu.

### **Eta kontuan harturik**

- Azaroaren 17ko 38/2003 Legea, diru-laguntzak arautzen dituenak.
- Diru-laguntzak arautzeko udal ordenantza (GAO, 2008/07/01).
- Usurbilen hutsik dagoen merkataritza lokal batean jarduera ekonomiko berri bat abian ipini nahi duen ekintzailearentzat 2021 urteko diru-laguntzaren oinarriak (GAO, 2021/04/07).
- Usurbilen hutsik dagoen merkataritza lokal batean jarduera ekonomiko berri bat abian ipini nahi duen ekintzailearentzat 2021 urteko diru-laguntzaren behin behineko ebazpena (GAO, 2021/11/29).

Tokiko Gobernu Batzarrak honako erabakia hartu du aho batez:

## **ERABAKIA**



Usurbilgo Udala

**Lehenengoa:** Usurbilen hutsik dagoen merkataritza lokal batean jarduera ekonomiko berri bat abian ipini nahi duen ekintzailearentzat diru laguntza onartzea.

Eskatzailea	IFK	1. lerroa		2. lerroa	
		Hasierako gastutarako diru-laguntza		Alokairurako diru-laguntza	
David Monroy Echeverria	44.139.569Q	%70a ebazpenarekin	%30 JEZ-ren altatik 12 hilabetetara	1.urtea	2. urtea
		3.850 €	1.650 €	300 €/hilean	200 €/hilean
	Guztira	5.500 €		3.600/ urtean	2.400/ urtean

**Bigarrena:** Dirulaguntza ebaztearekin batera, enpresa ekimena abieraztearen hasierako gastuei aurre egiteko diru-laguntza lerrotik, %70a ordainduko zaio, hain zuzen ere 3.850 €, gainerako %30a, JEZ alta eman duen egunetik kontatzen hasi eta 12 hilabetetara egingo da.

**Hirugarrena:** Bigarren lerroari dagokionean berriz, hilero justifikatutako ordainketa bakoitzari dagokion laguntza ekonomikoa gainditutako hilabetera jasoko du ekintzaileak. Laguntza ekonomiko hau jaso ahal izateko, hilero ordainagiria aurkeztu beharko du Erregistro Nagusian.

Bigarren urteko diru-laguntza jaso ahal izateko, diru-laguntzaren luzapena eskatu beharko du, diru-laguntza gehienez ere 24 hilabeteko alokairu gastuei dagokiona izango da.

**Laugarrena:** Garapen ekonomiko diru-laguntzak aurrekontu-partida honen kargura joango dira: 1.5000.481.241.00.02 (A 2154 /2021)

**Bosgarrena:** Ebazpena Gipuzkoako Aldizkari ofizialean argitaratuko da.

**Seigarrena:** Udaleko iragarki taulan eta [www.usurbil.eus](http://www.usurbil.eus) web orrian ere behin behineko proposamenaren eta behin betiko ebazpenaren berri emango da.

**Zazpigarrena:** Kontu-hartzailetzari akordioaren berri ematea.

**Eta eztabaidarako gaiak amaiturik, alkateak batzaraldia bukatutzat eman du, goizeko 10:00etan bilera agiri hau jaso da, batzordekideek izenpetuz eta nik, idazkariak, ziurtatuz.**